

補

勤

詩

存

補勤詩存卷之十二

山陰 陳錦 畫卿

歸舟消夏錄

丙寅

去夏北征自海上過蓬萊日照泊直沽隨萬人軍
下御溝駐濟兗今始以疾假歸復渡江淮漸入吳
越計一歲而兩涉南北經涂矣蓬窗溽暑排日爲
詩作歸舟消夏錄

歸舟雜詠

捉溜

小溜如湍泉大溜作瀑布有石當其垠金龍赫斯怒百
夫牽一舟同聲數腳步上牖比上山風雲色爲怖

攪關

人間多磨牛其一在行舟打犁坐岸側

大木爲鉤以繫
篾纜置岸上名

曰轉軸忙船頭修纜纏桔槔繾綣無時休一日攪三關
河流淺如溝

轉撩

十里岸再曲五里船側行片帆隨路轉風信難分明勞
勞十幅蒲濛濛搖心旌呼童掉篷腳三面皆風聲

盪槳

推水水不動舟行乃前移飛鷁鼓健翅長龍生怒鬚大
力能拔人其進亦如斯何勞舵尾催柔勝無所施

喝牽

作去
聲

十夫曳牽走一夫前導呼大聲開隄岸上上雙艫艦高
唱先眾口側肩防濫竽羣力舉重任道在一其趨

呼風

此嘯本非虎良知風不生天聽一何卑爽籟隨人聲封
姨在花前喜人登歸程縱有石尤女但阻來船行

風阻南湖

菰蒲風裏夏涼時隔岸飛飛一鷺鸞未到南陽湖十里
霹靂雷先已報人知

南湖卽景

蓮花蓮葉礙行舟十頃湖光淡不流添箇如鉤新月上
菱絲綠亂水田秋

零星燈火摸魚蝦挂破蒲帆艇子划望見沙洲渾似岸
湖心隨處有人家

人家臨水水連天行到湖邊喚泊船宛是江鄉好村落
早蟬衰柳聽風前

酒僊樓上見遙峯淺碧深青畫意濃到此直看山起處
色琉璃浸玉芙蓉

長隄十里臥清波夾岸齊擎萬蓋荷底事花開此獨早
薰風吹向御溝多

蒲菰生計抵豐年魚米秋成足酒錢如此煙波良可惜
莫填湖水作桑田

途次寄任城諸友

脫離鞭鐙上吳船
舵尾香催浣筆泉
行李重添詩百首
歸篷輕壓石雙拳
時方載雙石以歸
天邊雁影磨新月
海外鯨波憶舊年多
是閒情拋不得
酒樓鄭重別神僊

一櫂琴書顧影單
南湖菱荇送微瀾
明知母老遊偏遠
不趁官卑去更難
此別多情留海嶽
再來有夢續邯鄲
還山屈指剛消夏
故里荷花儻未殘

刺淩

四角香流逐浪萍
一鍼穿透芰裳青
爲郎顛顛織織手
卻憶西湖賣刺淩

檢篋得去年五月二十二日朱弢夫寄書有感
隔年書感故人情
快語重教拍案驚
絕妙文章能怒罵

非常抱負薄科名贈言獨具風詩旨論世難阿月旦評
生就男兒好身手如何先學買山耕

朱方告歸姚江

金華徐氏子幼陷賊中降爲兵役六年矣時附

舟南歸爲誌以詩

曾負征戈上海檣忽尋歸路向金華早應埋沒隨橫草
錯認漂零是落花當日翳桑還有母此時萋楚尙無家
故鄉山水難相識但記門前兩岸葭

雨後過夏鎮

野塘多露曉猶溼望見來帆嬾嬾行青箬笠支涼夜雨
嫩荷花放午天晴順流未足降風力淺溜時能膠艣聲
如此扁舟如此水任他夾岸送嘯鶯

微山湖

新蒲淺水綠無邊一尺中流好放船
行過荷花最深處蓬窗隨手擷紅蓮

舉頭時見水雲環乍覺身居鷗鷺間
渺渺煙波看不盡十重帆影一重山

又

十分流水九蒹葭蘂苻青青礙片楫
鼓網船來雙鯉賤網人以金鼓置
船頭豉魚賣瓜人去一鷗斜壞雲遮
黑半山樹籬雨打開沿路花直到清
淮湖不了江南江北儘浮家

泊郝山

山在微山湖畔東北隅過此爲潑山湖

平湖清淺不成浪對面有峯當晚涼
紅了夕陽三十里

微山一片在中央

微山在湖中望祇數尺
延袤數里因以爲名

湖口埧

微澱兩湖水

韓莊臺兒

八插流恬波怒鈴東日夜湧

潮頭

經泗河入下邳訪睦卿五弟幕中誌別

葛嶧山前柳放衙相逢骨肉一停車風塵各道長途苦
笑語先聞穉子譁老大豈容常作客飢驅何幸卻攜家
青燈尙記兒時否卅載門庭舊夢賒

一回相見一悲歡總是天涯歲月寬自分家鄉如逆旅
况教兒輩又求官舊時急難鵠原在別後江湖雁影寒
千里孤帆三日雨臨歧那不淚沈瀾

下邳懷古

百戰山河隸古徐數重嵐翠兀城隅嶧陽自昔嘗無木

惟恐梧桐生不孤

城北有山曰葛嶧按嶧山有二一爲

所云嶧陽孤桐是也

今釋嶧合爲一字誤

山川騰鬱已千年名將生從氣數先博浪一椎空大索
人間還有穀城僊

可憐比戶習干戈不數滄桑變大河一夕能收三萬卒
戰才無似此閒多

宿遷道中

半帆斜雨短篷推下牖濤聲響似雷瓦屋漸多河患遠

風檣如織米船閒

時河運米船甫登三牖

窪哇積潦千鱗沒高岸

新隄萬雉栽

劉學士秉璋守
嶺遷築河壘

薄暮令人鄉思劇吳舟銜

尾過江來

眾興夜泊

牆凹微斷有人家蘆葦當門泊礮划

呼礮船曰
礮划子

晴燒紅

於新秣穀亂雲黃似壞袈裟篝燈影溼一丸火涵洞聲

窺萬脰蛙

通隄通
水處

六月西風還有力誤吹蓬箬作寒笳

會通河詞十六首

百川初灌會通河

運河起元時
名會通河

千里連湖蓄水多

自分水龍

王廟以南收南旺馬踏蜀山馬場獨山微山澗
川駱馬洪澤南陽十湖之水悉歸此河助運

一歲糧

般一來去估檣蟻附織如梭

挽楫行舟欲上天千澌百洩導飛泉黃河孟浪安隄捍

流到淮徐入海便

水經山左半西流

山左之水多西流入湖自湖濟運

涓滴都從此裏收

南旺湖心最高處飽看來汶一登樓

宋禮用白老人言塞戴村三坝使汶

水人南旺灌運河最高處至今賴之其地有來汶樓

汶濟交流下牖同

自汶以北水俱北流

西來淇衛百泉逢

衛河自衛輝東

流爲助運

金龍歲歲朝天闕早報安瀾抵北通

河神謝公稱金

龍四大王屢著靈異能現龍形

無窮民力聚膏脂一水迢迢百物滋羅葛新衣齊上市

白糧幫到德州時

糧船分幫過牖白糧幫最稱富饒

繞河不斷接人煙最是遊民食力先贏得無家饑歲飽

開河工了又牽船

東南十載變滄桑萬里長隄茂草荒洪澤淤成耕種地

樓船廢作渡人航

咸豐壬子因亂停運隄岸失修糧船盡廢無一存者

黃河北徙渡張秋

張秋鎮在陽穀東阿之交爲今黃河穿運處

鄆濮先浮水

上涇

河決考城自東明長垣東阿荏平歸大清河入海鄆濮首當厥冲

故道都成千仞

壑

蘭儀以下至豐沛故道壁立千丈今謂之乾黃河

朝宗趨入大清流

帶石冲泥漫大隄沈家東望戴家西

河決沈家口至戴家朝汪洋二十餘

里但逢三汛帆檣到仍恐流沙路易迷

運道爲黃河所淤下多流沙至

今爲患惟此

八插平分上下中閉關徵利逐漁翁看他津吏無聊甚

日日橋頭放戰幢

自臺莊至濟甯有下八插中八插上八插之稱

插板稀疏水溜乾臨流空倚石闌干草塘沒入全湖裏

河道新裁管牘官

屯田千戶已無家住破樓船泣女娃河上逍遙成底事

老旗丁坐舊糧划

河運既廢旗丁輒失業無居初改糧船行賈俗呼爲糧划子

誰輸玉粒貢神京祇待江南罷用兵不道津倉收海運

北頭船趁火輪行

江南初定用火輪及北頭船先行海運至天津上倉

清淮無事息干戈樂歲先聞裏下河

如皋秦興諸邑隸清淮者爲裏下河

獨免江愛惜餼羊存告朔南糧復運不須多

吳誦宣漕督榮始創

復行河運之議乙丑運二萬石丙寅倍之

祇今輪挽借吳舫春漲三篙仗帝靈莫便揚帆依海若

交章何事訟盈廷

同時撫臣有悉歸海運之疏部議卒從吳請河運再行

且浚淤流引舊泉好收新水滿湖堧老民喜說三朝事

重見糧船自去年

自成豐癸丑至今
停運者十二年

王營道中舊時渡黃處

平沙十里長嘉禾茅屋三間補薜蘿
一路騎驢行得慣
無人知此是黃河

濤聲捲地憶當年
蟻聚河干喚渡船
遷得洪波何處去
祇今眞箇見桑田

袁江易舟度牖主錢調甫觀察

鼎銘

同袍逢異地
今雨話前遊
我已重投筆
君猶役汎舟
錢向
司軍米今
挑燈談戰事
恤緯抱嫠憂
勉効轉輸力
南湖
水自流

淮陰訪章耕心同年不值

詩卷寒燈酒一尊吳中塵夢擬重溫

去春同在吳門王臥山寓中

留

陳不果雲橫榻訪戴空歸雨滿門凡鳥倩籠題壁字飛

鴻親駐踏泥痕

時方風雨笠屐到門

烏衣舊主今何在

臥山今歸越不出

安得相逢約故園

過劉夢九同年

鳳鈞

寓中夜談達旦

人生數離合動如水上蘋與君始相見乃在滬之濱苦
君久行役看我勞積薪天風劫宦海按劍遭眴瞋君慣
遇白眼我方顛紅塵浩浩滄溟水勞勞遷謫身攜手上
危檣鼓浪驅舟輪風濤惡如此與鬼常爲鄰問路來張
騫銀河尙有津一葉登蜚孤冒死先千人

謂去年渡海時子先冒險

岸登暑雨吟長途眠食同依因抱火臥扁舟萬里行僣僣

天清至山左舟中
與劉同載軍火

書生都上馬殺賊從王臣眾駒在轡

下一雁飛霜晨

劉以去秋
返江南

我歸自疆場

去年九月
戰於曹南

君來

自河潯

劉復至
濟上

太白樓前月探梅一回春君今載桃葉

久戀淮城閩毋乃怕離別恐惹蛾眉顰著屐試相過埽
徑破苔茵愛姬自烹茗主人方飲醇難得故人來況在
風雨辰典衣出沽酒不礙君長貧抵足語終夕燈火重
相親我家今鏡湖返櫂何逡巡未蓄買山錢無緣食鱸
莼偶爾別君去後會期十旬詰朝揚孤帆煙水茫無垠

寄潘莘田白下

長風催著祖生鞭潑面驚濤海上船琴劍叨陪千旅後

蜚弧曾拔萬人先

去夏海船抵津
沽潘首先登岸

拌子坐老尋詩屐送

子歸辭浣筆泉

潘以去冬歸

賦罷西征何處去洞庭春水秣

陵煙

潘洞庭山人今于役金陵

好憑桑梓卜彈冠海岱重尋夢忽寒有力能爲知己報
懷才何必盡人歡遊鯤一徙雲無迹倚馬千言墨未乾
我是鴛駘甘棧豆弓韉踏雪戀征鞍

寒燈書卷積愁塵馬上看殘柳陌春祇覺頭顱常是我
敢知身手卻如人吟詩老去餐猶健載石歸來仕固貧
先後南湖葭菼水送人都到大江濱

倚閭心事負庭闈亂後家山願尙違孤艇連年馱溽暑
片帆千里倦斜暉飛鴻見雪都成字野鶴無糧大可歸
底是重遊還有約登臨猶未極崔巍

此行欲一登泰山不果

邗溝

鴻溝千里碧潏潏一面潢池巨浸環河水連天何必海
沙隄如阜別無山漲添淮雨來偏速併作江潮去不還
薄暮西風吹更緊浪花高潑馬蓬灣

灣爲湖水所匯多浪

下河城郭古今窪計里穿渠百道斜到岸每逢船放鴨
高郵民間多養鴨者隔隄時見樹栖鴉門前魚稅三千頃釜底人
煙十萬家五月陂塘秧雨足紅蜻蜓點白蘋花

高寶湖

煙波千里自迴環風又疏狂雨又頑要捲濤聲何處去

湖西猶有萬重山

湖西爲時昭天長諸境清明望見山色一痕

輕帆側側溜斜風一望湖光上短篷行近江南雨初霽

夕陽多比舊時紅

記幼時詠蟹詩詞意奇絕撮其意別成絕句

江湖老健獨橫行身後文明似長卿底事腹中有兵甲
本來彭越是前生

錄原詩

兩尖團換一詩篇正是寒燈點酒天網得相如歸甕
裏眼看彭越醢尊前腹中兵甲橫能鬪身後文章彩
更鮮昨夜江村行郭索西風吹汝鐵衣堅

露筋祠

平蕪荒寂莽煙蘿一闋秋聲萬喙磨造物何心生利口
任他昏夜殺人多

補遺詩存卷之十二 十
成市成雷十里聞不容飛弔上荒墳野田一夕支風骨
行路千年祀露筋

久雨晚晴

十日微霖壓片舟乍從晴裏過揚州月身湛湛當樓角
蟲臂青青似草頭宿雨尚添新水下好風時挾嬾雲遊
逢窗四面都開得飽納長江六月秋

過揚州有感

瓦場猶認故樓臺百里隋隄沒草萊亂後揚州應免俗
青山還不過江來

重教金粉洗南朝添著愁痕廿四橋明月二分渾不覺
吹簫人在已魂銷

水漫雷塘月可憐
平山花木賸號鴉
名園十畝桑麻好
萬貫難消鶴背錢

舊恨新愁一水流
梅花嶺上有松楸

梅花嶺在揚州北門外明史忠正公

葬衣冠處
州十日

從頭欲說滄桑事
能記今番十日不

咸豐之難有甚於明末揚

揚子江詞八首

千巖萬壑駐銀臺

銀臺山爲京口中峯金焦拱之

一束龍門怒浪堆
山

到江邊
留不住金焦飛過半空來

腥風吹斷扣舷歌
可惜江天劫火多
十八年來揚子渡

好青山不幾回過

癸丑以後瓜鎮阻隔多繞行月河孟河憶渡金焦今甫三過

金陵王氣竊萑苻
誰克荆襄控舳艫

謂會揆帥此地將軍支

大樹十年存得一城孤

南至丹陽西至儀徵皆賊而京口獨存守者爲馮軍門子材

那管沈江鐵鎖牢萬人軍已下飛濤

謂李宮係一軍蠟下江南過此

九百度陳書急會放中流一葉舫

指焦山江口輪船密選軍報事

豈有包胥果乞秦湫洲先已屬官軍契丹儻與興唐事

何止焦山泊火輪

夷酋李太國入江助勦李宮保難之力拒所請金陵克復以是不假手外

人得免需索

任意休添海屋籌千塵忽向七濠收令公有命諸酋懾

祇許江南結蜃樓

夷人私市北岸七濠口易滋奸商李宮保督兩江之明年勒令移置江南

設關納稅卽今銀臺山下大興土木處

海市盈盈闕水邊成都何必待三年島民大有移山力

樓閣來從一洞天

夷人移滬口空屋至京口大營市廛剋日而就一洞天滬口地名

好是功成百戰時，中朝名將遠人知。
潮頭日日來還去，報道長江有水師。
曾李二帥奏設長江水師，提督統率礮船以爲常。

奔牛鎮

水下毗陵路欲分，一灣村落柳塘春。
有誰能記前朝事，

此地曾生傾國人。

胙賸錄載陳圓圖本常州奔牛鎮人。

夜行毗陵道上

好風斜轉隋帆身，天半飛來露腳勻。
一曲吳謳催舵尾，青山連夜送歸人。

蓬窗側側嫩涼侵，螢火星星動不禁。
雙槳劃開波底月，水銀揉碎潑江心。

將至吳門懷杜潤之

去年孤艇度三庚今日蒲帆載暑行踏雪歸來鴻有爪
避煙飛到鶴無聲好詩伴我遊千里斜月催人起五更
一榻明朝何處下樊川落日不勝情

月下口占得二十八字

看窮泰岱四圍碧海外已見泰山後復周歷濟克歷盡會通千里河自天

津直達清淮運河盡此莫怪此行詩獨富江山持贈比人多

惠泉

清流洑瀧下樓臺繞過千重錦繡堆如此名泉還第二

祇緣容易出山來惠泉爲天下第二泉

要憑素手掬激波厭聽人閒鹵簿過酒味茶香都絕世
受人憐處爲才多

換裝

一年曾裹急裝行脫甲歸來兩腋輕僮僕忽羞衣短後
江南今已不知兵

常州無錫行錢愼庵太守舊治

重新冠蓋出山來

公引疾歸里今再至吳中

珠樹仙禽倦眼開何可

此閒無老吏相將兒輩上強臺

公二子皆仕江淮

福田一種常

多歲薄宦長貧大是才三日扁舟行舊治桑麻都自使

君栽

公先宰金匱減漕後領常州招撫生平政績是其最著者

柬長沙王生

十年犯難苦吟身足繭天涯踏輭塵必待文章來造命
半生多已不如人

早歲深知馬上功，長風吹下大江東。
男兒身手無須好，世事都涵雅量中。

過望亭望虎阜山

獨樹孤村望望亭，虎邱遙掩玉圍屏。
水經吳下尤奇綠，山過江南已大青。
比戶漸安劬雁宅，餘波流盡壽龍腥。
有誰能懺紅羊劫，願向千人石上聽。
千人石在虎邱其大可坐千人

六月望日舟抵吳門

百篇新詠此孤舟，不計歸程計浪遊。
消得如年長夏暑，荷花生日到蘇州。

居庸山到四明山，添得吟髭點雪還。
回首蓬萊在中道，海沙千里一銀灣。
自滬上至牛莊行海之東，獨登萊與山海關東出各數百里，其中卽津沽。

吳門因鄭秋亭得知錢晉齋蹤迹未及過訪留

寄一詩

錢以昌化諸生爲吳興司鐸名葆恆

早歲居遊共一方執經相見記鱸堂

錢從子問字最早

雲山別

後偏多故

謂庚申辛酉之難

花月當年已斷腸

錢與子同時悼亡

猛虎

餐餘新戰骨蹲鴟煨冷舊僊鄉

謂鹽微軒

可憐故老風流盡

兩輩凋零弟子行

先大夫設教昌化弟子頗眾難後存者寥寥

青燈老伴十年思卻憶移情海上師蹤迹重依徐孺子

時錢主陳子鳳觀察慶長

姓名新識鄭當時

謂秋亭

一盤寒菹君無恙

萬里歸蓬我有詩倚櫂莫愁交臂失越山花徑故人知

錢會訪子越中詩以訂之

過趙屯港卡

二月西風雪滿頭曾來斯地繫扁舟主人老逐江湖去
獨客歸從海上遊一樹倦依流水臥片帆斜捲夕陽收
青山對我能相識過此蒼茫是蜃樓主人謂謝貳尹某
去年二月雪阻此
間相款
甚般

月出吳淞

圓靈一鏡比銅鉦同浴扶桑瞰大瀛乍見忽如浮水出
初生疑不著天行放光直上星河失巨眼橫看海嶽平
底事銀蟾終古在隨潮來去識虛盈潮上隨月
出爲候

馮筱雲居寄葉庵陳九石於室作九峯歌見示
爲錄雙石行答之題詩於後

我乘一葉舟萬里載雙石君安一葉居臥看九峯碧九

峯排闥何連蜺能生几上齊州煙補天不受媧皇鍊苔
紋萬古流蝸涎到門驚見鬚眉綠一段涼雲塞林屋主
人坐此駐朱顏茶邊酒後吟聲熟我歸俯拾泰巖星袖
裏雲根不敢青猶支袍笏拜朝夕要使竅坎噓山靈何
圖奇峯入君手輒翠盈盈刷詩帚十日倪迂畫不成鉞
潭新記柳州柳吁嗟乎尊中之酒座上賓難容老物偏
橫陳少人多石如此室愧予藹足勞紅塵

柳州小石城山記云楚以

南少人而多石

重經滬上

舊栽花木換新鶯十畝園林尚可耕往事蒼茫君莫問
救時今不用書生

樓閣縱橫白浪堆黃梁炊熟已千回不辭辛苦潮頭水
纔逐風波去又來

鴻爪分明踏雪涼燕泥多已落空梁夢魂但記無家別

錯認邯鄲是故鄉

舊歲去滬時
猶舉家在此

閔行音杭夜泊

三兩漁燈葉謝村

隔江村名

半江新落夜潮痕千頭鬪艦橫

南浦忽憶兒寬別後魂

曾與倪笠坪大令葆仁屯
舟師於此旋克青浦城池

五庫

音舍黃
浦地名

三尺鷗波長復消朝南暮北送輕橈去來同是松江

日日回頭讓海潮

潮至嘉善而止自松江以上潮水皆
清蓋江流倒行已非海水所至也

萬里炎雲逐浪長出山泉熱在山涼鱸魚有味清如水

不許腥流入故鄉

道出嘉興贈邑侯臧可園

均之

風流三震令公名

公一任山陰再任鄞縣皆有政聲

同向邯鄲道上行

脛骨尙敲飛鏃影頭顱但記受刀聲

甬城之陷公墜城幾死頭再受刀右

脛折斷復活會作墮喋吟記之

別時昏市潮猶熱

玉成之春公由滬渡海討賊

亂後

鴛湖水更清我是重經滄海客家山烽火算前生

浮楂天外見蓬萊荷戟從君故里來

公青州人

未許文章誇

粹手再攜琴劍上強臺萱堂戀我還山早花縣逢人埽

徑開慚愧書生歸馬上侯門曾作斗量才

紅塵十丈未能拋仍在人間繫苦匏耿耿才名留盾鼻

勞勞身手逐弓弮海隅一甕滄桑夢天末孤存患難交

張翊伯觀察去官歸里林柏如太守病卒於軍推公獨復職居官
舊雨儻懷州宅好詩
筒還遞放翁巢

自滬濱至嘉禾炎威逼人倚蓬誌感

泛泛重來水上鳧炎蒸天氣鑠冰壺劉郎莫漫尋人面
馮婦曾經捋虎鬚下榻尙多今雨在登高還有好風呼
故鄉落落存知己煙雨樓荒月滿湖

寄薛慰農太守

時雨

萬里歸來舊雨寒訛傳賈禹又彈冠卻攜琴鶴行三竺
不爲湖山耐一官捧檄久勞知己望
謂李懷才何必盡
宮休

人歡段橋流水沙隄月拋得杭州冷眼看
時公方辭杭
州守歸皖再

至武林笠屐湖
山放遊爲樂

芒鞋竹杖半旬留物外閒身不繫舟喜愠渾忘三令尹
去來無礙一居州人間鹵簿遊山厭江上琵琶送客愁
指日鋒車催上道漫呵風月避鳴騶

鴛湖

由拳城畔水潺潺被野嘉禾萬翠環收得樓頭煙雨足
鴛湖百里可無山

塘栖

重岡疊嶽下餘杭嵐翠飛來自上塘未到西湖還百里
青山先向雨中望

武林感事題壁詩

薄遊海岱蓬梗初歸小別湖山桑滄屢變愴見聞於

梓里觸感喟於遽廬用誌長嗟便留短句

千閒大厦一時傾十道重圍壓餓兵如此江山無粒米

有人枵腹敢嬰城

王雪軒中丞有餘

百勝雄師擁海門精誠能格種胥魂

指禱潮不至事

天心不惜

睢陽死戰血空留背水痕

張璧田軍門玉良

萬里孤魂返故鄉本來鐵石是心腸
絞衾一幅纏忠骨

指單衣薄殮事正氣常存翰墨場

張星白學使錫庚

詩酒風流謝主知可憐桑梓義難辭
平泉花木留餘恨

腸斷衣冠絕命詞

戴醇士閣學照

西湖之遊因病不果望湖上諸山有作

樓臺金碧墮烽煙風月清寥異昔年
果把西湖比西子

不施裝束也嬋娟

濃青淡翠刷千巒見慣天邊劫火寒如此滄桑山不變
總留眞面與人看

將抵越城感懷舊事

去時烽火滿蠡城來日重逢鏡水清避亂句東逾海嶠

辛酉九月由越東入甬渡海

從戎極北繞寰瀛

去夏又自滬口杭海入津門

勉隨

鞭鐙千軍後老熟江河萬里行

今又由蓮河南下自山左入江浙

如此

長途詩作伴到門猶未住吟聲

又見梧桐一葉飛

立秋二日

岱雲江雨滯征衣眞山水是吾

鄉最好里居應健日歸薄宦未能攜細弱飢驅偏更戀

庭闈秋風也算迎張翰祇道鱸魚慣不肥

補勤詩存卷之十二

補勤詩存卷之十三

山陰 陳錦 晝卿

還山酬唱 丙寅丁卯

丙寅之秋自任城軍次假歸省母卻憶庚申避亂
巢寄滙濱已而子身北征舉家南返五年之間滄
桑屢易故里爲墟骨肉瘡痍園林荒落撫今追昔
備歷悲歡迨七閱月而鋒車又在道矣錄題吟贈
答之可存者爲還山酬唱

還山卽事四首

科頭箕踞息征騑千里庭闈笑語依席地弄孫消晷暑
登山放鶴避年饑 去歲水災薦饑攜燈客至親排闥賒酒人歸

補勤詩存卷之十三

待典衣如此光陰鱸膾瘦杜門卻埽計全非

芒鞋隨意步平疇短檝呼城戀夜遊乞字太多甯緩答
買山無力故苛求代人舉火齊嬰倦倒篋分金鮑叔憂
近患雲龍半扉水卜鄰聲價重高樓

山邱華屋數浮雲往事淒涼不可聞兒女情長還諱老

功名技癢又論文新居草草門猶淺舊雨寥寥屐齒勤

王臥山傳節猶憶酒樓觴賀老同歸鑑曲恰逢君宗箇甫先

子日夕數至
生適亦自
濟上告歸

輪蹄緣重釣遊輕少賤徒行熟里名白面故人先厭世

孫心農及蓮土兩蒼髯弟子別營生胡仲孚長子三指
同年同時謝世
年今方業醜

多况又收功免庶鮮何難畢向平要替貧官作留後機

絲硯穀一齊耕

中秋步月華嚴寺和王臥山同年

百里遙峯擁雉樓寺門涼瀉石塘秋繞田活水通幽徑
近市叢林導熟遊萬里歸人重聚首一年明月忽當頭
稻香浮動平疇綠步履先驚狎浪鷗

卻攜尊酒叩禪關乘興何須見戴還醉月未能偏踏月
買山有約儘看山居遊伴侶行將盡文字因緣老不慳
且喜偕來童冠在論交三世許追攀

自題三十歲小像

三十歲小像內兄勞杏莊爲予作也時方下第南旋
便省婦翁於中山官署勞氏人才鼎盛風雅一門今

且三世凋零而是圖亦幾淪兵燹何意乃得自雞山
故居則野人收藏而子英族弟識而存之者蓋七年

矣感題長句

眾香圍繞中山都

古中山國今定州有眾香園多東坡先生遊蹟

驅車過之作

此圖圖中大石生叻竅靈巖陡挾風泉叫綠天無縫鋪
涼雲妙香靜對琴書焚月明林下鶴先在空中疑有梅
花間嗒然四顧忘久坐鏡裏忽逢苦吟我幽鳥一聲花
亂飛危欄三折竹枯墮當日安仁新悼亡停驂冰暑溫
東牀劉蕢下第無面目含愁寫照催行裝高堂白髮皎
如雪阿兄書畫稱三絕惆悵紅閨失二難

謂綠雲女史

斷雁

吟成淚沾臆我作此圖神暗悽有人攔筆窮衰題縣之

十年依老壁燈昏，雨黑生塵墜。乾坤斗大罡風掃，圖書
萬卷供顛倒。放翁團扇炙洪爐，西園雅集成荒草。此圖
呵護如有神，雞山靈爽留緣因。似曾相識感野老，頓使
明月逢前身。嗟哉此圖歷滄海，故吾既死今吾在。故吾
已苦烽火多，今吾所恨鬚眉改。片石三生證一回，令戚
親見鶴歸來。身名不毀都如此，獨有千秋存一紙。紙上
毛髮猶黝然，人間瑟瑟飄華顛。倚馬功名消歲月，坐令
愁病戕神僊。藐躬何敢祈壽考，再畫一圖三十年。

觀兒輩初應小試

初遊斯地憶髫齡，百度邯鄲夢未醒。得意幾人還再往，
問途於我半曾經。登壇旗鼓千軍噪，破壁文章兩眼青。

安得科名兒輩續三條銀燭炫明星

膠河故居二百年祖遺也夷於兵燹泯焉無存

一再過之有作

百年樹大木故土蟠新根祖宗重手植餘蔭垂昆孫葛
藟分遠條支本良益尊芝蘭出有種松菊歸尙存是誰
恣斬伐不念雨露恩斧柯寒斷夢燹火般殘痕一作豺
狼窟再經貔虎屯罡風薙弱草邱壑遭隳髡老壁十重
壞黔突留餘溫葦蓋種花徑怒鼃當雨蹲高曾呱泣地
野色迷沙墩穿籬鬧鵝鴨編枳樊雞豚哀哉閭閻戶零
落成荒村幽泉唧唧井故鬼號空門萬古膠河流河流
去如奔望望秦山

山在宅東南

十丈縣寒暄我生亦非晚

廿載依晨昏全身得遠害桑梓甯弗敦何圖觸目驚令
我悸神魂登階撥榛穢一過聲暗吞縱然營新巢能毋
傷舊闔徘徊念浩劫榮枯安足論

何竟山綠天小隱圖 何工書畫

天生懷素居綠天芭蕉始結文字緣種之萬本寫不盡
當秋洗出風露箋求書接踵無虛日填門車馬階石穿
高人避熱如避亂投林獨處兼逃禪後來綠天成朝市
號召翰墨儲雲煙閉關杜客不可得轉使書畫喧林泉
索書千紙畫千軸落葉未掃桐階前一身酒債常不了
矧又欠人詩隔年無從大隱且小隱呼之不出雲中眠

九日重遊華嚴寺

載酒重尋佛子家，兩三遊屐踏金沙。
野塘淺水雙飛鷺，寺前有池曰斗野塘老樹斜陽獨宿鴉。
百劫河山存古寺，故園風雨送黃華。
歸田何日能修到，一盞尊羹願不奢。

唐山伯虎歌

咸豐初元隨任唐山庠舍見扶鸞降筆之書得虎字
百紙大者方丈小亦徑尺筆力雄俊洵異人閒藏之
十年失於兵火矣今忽自雞山故居得十餘紙以歸
最後一紙云係唐寅降筆題此以誌神靈呵護云

唐山萬仞神所栖，柏竹結實青鸞唳。
神僊未斷文字癖，俯就人力扶椽題。
山君夜嘯猛出峽，雲煙一段濃青壓。
下筆能令羣獸驚，爪牙攫露斑毛生。
書成一紙狀一態。

坐鎮空山降百怪，聚之斗室搏腥風。光芒怒觸巖雲壞，
十年勞我什襲藏。共看世上真滄桑，眾靈雜沓護偉迹。
神威炯炯餘細囊，水濡火熬牢不破。紙背低昂虎猶臥，
失羣靈物噉悲痕。空存墨力摩厓大，我今展卷雙目眈。
雲川山水成燹墟，降筆始自昌化雲川胡氏今俱被寇無存琅嬛尙墮藏書
劫，肯容鎮宅完靈符。吉光片羽僊蹤在，尺幅相攜約湖
海。六如姓字擘窠書，人閒小技雕蟲駭。

高萼亭松菊猶存圖

一種後彫樹，再種延年花。送酒催著書，埽徑開三叉。靈
芝孕僊餌，冷蕊餐霜華。燹火燒不死，老屋生枒杈。主人
歸暮年，夕陽天半斜。問問故鄉事，流離若散鴉。伊誰無

手植斤斧爲之加斷籬塞灌莽古院填桑麻獨留冰雪
委俯仰擔煙霞老龍具鱗爪宛轉雲中拏科頭其下坐
盈把收寒葩閒攜總角童笑語入門譁亂後存做廬况
逢草木嘉今之隱士宅昔者陶潛家

寶壽寺僧松庭圓寂二百年矣賊破龕危坐如
生寺賴以免異而誌之

老死難磨度劫身滄桑不變寒山寺枯坐支提二百年
不朽有三此其四

滴渚

六峯山名排闥擁重關萬頃膏腴紫翠環流水長松藏古
剎白雲紅樹刷秋鬢村沽競換千竿竹樵徑斜通十里

山可有芷離香不斷

一名
離渚

湖光遙接賀家灣

吼山

閩嶠千巖下浙東中峯趨扈妣王宮羣山鶴立岡巒轉

都在神獅一吼中

山狀獅
故名

恨事千秋可也曾衝冠餘怒尙峻嶒山河半壁如長在

片石何難拱六陵

俗謂宋六陵所在羣山皆
拱此山獨否故名曰吼

章蓮輝先生遺畫爲詰嗣幼蓮作

章子與我古畫讀樹色深青山大綠敢問此畫作者誰
經營慘淡越時俗鉛黃剝蝕殊有神絹素疲蠹不成幅
當時父老工收藏鄴架縱橫積卷軸滄桑以前二百年
鑑湖山水吾鄉獨縮本臨撫供臥遊幾人此裏題吟熟

卽今燹火遺零縑鬼神呵護詎謀足模糊林壑拂塵看
滿座清風花蔌蔌買畫歸來當買山爛柯一度消碁局
重縣老壁懷前賢手澤餘溫炙片玉

秋立亭先生補齋圖

圖作自哲嗣硯芸明府今
文孫露仙孝廉屬補題之

補天大手推媧庖東南地缺支靈鼇仲山有力能補袞
經緯天地歸鈞陶秋子作齋以補名三弓十笏容豁虜
苟完宋桷仍舊貫小結亭榭增新巢開門四顧得至理
要鑒居室勛兒曹壽補嗟跼勤補拙世上不少亡羊牢
傳之嗣子卽堂構栝椽餘澤存衡茅遺書萬卷讀此閒
能知補過懷憂勞世事瘡痍待收拾神君一出甦鴻磬
硯芸明府
舊治元和披圖朗朗見庭訓文孫鵲起多賢豪至今斗

室有呵護滄桑幾度無漂搖補之時義大矣哉下車珂
里瞻松喬

魯叔容虎口見聞錄

紹城之陷魯叔容懼賊中蹲踞屋上倚牆自蔽晝伏
夜動凡八十日幾死者數僅以身免然猶默記賊中
事爲一書事後出以示人不亞揚州十日記也

江頭一夜聞戰鼓烽煙捲地空萬戶蠡城蕩蕩風雨昏
白晝開門揖眾虎虎口什九無餘生驚禽駭獸走羅罟
抱頭狂竄夕數遷水火荆榛皆樂土其中大有不屈士
手摧白額奮餘怒魯曾手斃一賊八十日來牆頭居飲酒觀書
兀無語捐軀得所夫何憂董狐直筆書強虜天教斯人

逢不若九鼎圖姦鑄神禹海東蹈死魯先生江南哀殺
庾開府字裏行閒戰血腥鬼神紛紛泣風雨亂後傳觀
開大編十日揚州共千古

橘庭移蔭圖

先大夫幼時植橘於庭中年課錦等讀書其下迨居
官十九年歸此課孫橘槁而朽株猶在今庭橘並燬
一再移居湖所自來敢忘餘蔭爰爲圖以存之並誌
以詩

神僊下降雙橘叟嘉種旁敷蔭十畝靈根慧斲于青雲
分匝餘陰綠書牖兒時一摘十指香袖裏秋橙供阿母
羣從成行此讀書微聞舊植先人手老父之官館舍荒

蕪園一旦門生莠秃幹長沿蝸蝨腥疏花老著癭瘤醜
漂零歷亂向空階舊時桃李都摧朽老人垂白歸課孫
別後星霜剛十九樹猶如此人何堪婆娑生意無中有
何圖風木屢驚心况隔滄桑一回首人間華屋總成墟
劫盡紅羊變蒼狗我今釋甲歸故鄉悔逐名場牛馬走
偶尋遊釣過鯉庭狐狸上屋見躡丸念我高會呱泣方
何惜千金贖傲帚可堪環堵已無存別尋容膝求完苟
香泥落盡畫梁空歸燕新枝擇高柳卜鄰好訂何揚州
時方與何再植庭槐計長久俯視兒曹讀祖書旁觀競
治峯卜鄰道人才藪卻承故蔭蔭新居琴心書味重消受薄宦家
門傳舍同一椽能續前楹否繪取橘庭移蔭圖夜窗風

雨青燈守

傅節子花延年室金石譜

禹鼎神姦失呵護周廷石鼓患蠹蟲老物留傳有已時
好事描撫輒多故庖羲一畫開天經無人搦取初黃庭
必從皇古求手製仰見補天鍊石羅明星不然大地縱
橫鋪絹素山河作畫留真形好古如斯不在小乾坤而
壽彭篋天頓使古物傷後生周銅漢瓦輕如草叵耐輓
近猥薄趨見聞蔑古供挪揄唐虞以上無書讀讀書敢
不宗唐虞要懲師心戒意造求之簡編良亦好尤恐不
信因無徵引經據物問故老前人著器當著書銘金刻
石斯爲寶延年花裏有名賢古色斑爛抱一編羣書博

極無所用考遺訂墜窮毫巔銅雀長生收瓦當圓龍契
錯圖刀泉鼎彝槃敦存點畫鳥迹蟲文恣奇格陡然鄰
地疑有聲斯逸精神聚方冊憶予鞠臆參岱宗任安舊
鑄百石銅岱廟多古銅器塞門而立其款識迴車闕里
觀禮器五鳳殘碑識漢隸曲阜孔子廟碑以五鳳殘碑
爲最古今僅存題額數字
嶧山孤嶂覓秦碑摩厓捫讀登崔魏嶧山秦碑其一在
兗州治杜詩所謂
孤嶂秦碑在是也唐槐宋杏不足數唐槐宋杏在
詩禮堂下周鼎頡存十
鬲周詩鬲器十事各有字識
仁廟頡存孔氏馬上無紙難臨摹可惜
昔空適用武歸來見子金石光如登峒嶮探禹藏儀徵
相國阮文收羅後斯譜獨出爲琳琅藏之名山傳之人
鬼神歛歛兀在旁

詠菊爲澄碧主人

王康壽

載酒閒尋五柳邊，短籬吟老隱神僊。
埽開三徑滄桑後，待到重陽雨露天。
瘦總宜人偏養傲，淡能如我便延年。
無心穿就黃金甲，一戰秋風亦偶然。

答馮筱雲致仕歸粵詩用王漁洋九日送方黃
二子赴青州韻

楓江九月天，雨霜吳帆十幅擔。
斜陽鶯歌燕舞一時歇，衡山隻雁歸何方。
我方投甲返越權，征衣萬里登萱堂。
讀書何必換雞肋，吟詩老健雙鬢蒼。
下車一再爲馮婦，補牢已失前途羊。
鏡湖之水清且美，可憐先我經滄桑。
驚心海溼流湯湯，昨聞關中一軍駭。

時捻逆入潼關

蔽天旌旆

風沙揚側身北望天茫茫見幾何幸出吾輩鵝潭頓賦

歸與章柳波花堦

皆南海名勝

滿珠浦荔支一水灣銀塘

珠浦荔支灣皆馮所居地名

田園似此足老死何爲推肩權貴牽衣

裳閭風吹人上天際一落不礙千丈強挂冠吟罷子然

去九峯山影爲低昂

馮陳九石於室自稱九峯居士

臨風長揖別苦海

鬱林片石馭行裝

鏡畫

歐羅巴法以鏡攝人影并屋宇陳設入紙自昔有之咸豐開盛行海邦今傳中土

照膽先懸鏡一規教人覲面貢鬚眉圖成小影墨無點

傳得全神畫不知倩女來從魂返地定僧吟到色空時

白描代有非常技曾讀船山紀事詩

張船山太史詩注已載此

縮地奇方側影多

影左右皆互易若側之轉正

蔚藍天色染雲羅似

墨描而衣色
藍者反成白

現身有法須端坐眞面難知待濯磨

初照若無

以藥洗之乃出

杯裏已經三太白花閒從此百東坡黃庭何止

看初漏明月攜人到處過

照得一紙百榻不差

搨像

法用土搨人容肌理顏色逼肖衣冠畢具

香泥一搨指痕輕酷肖形骸畫不成閉戶便將程子塑
搏沙重見女媧生短長莫與金身比得失休同木偶爭
世上幾人羞傀儡可堪寫照太分明

好從妍醜別容肌現出全身影不疲面目忽疑愁似土
衣冠尤喜換隨時堂前他日丁蘭拜世外千年弈橋知
直欲相君及肩背傳神何止在鬚眉

應宿牖

在紹興府城北三十里

會稽兩幹山迴翔出千嶂鬱律趨三江東西兀相向

會稽

禹陵左右兩幹山勢交趨三江而成海門

陡起海中壘

陡壘山在嶺內五里許

橫空截

奔浪下有石骨交犬牙列巨防訇然闐闐開支祁鎖鈕

壯無須鐵弩彎能使潮頭讓天吳爲倒行種胥氣凋喪

昔苦老牯卑

舊有牯牛廢

鹹流恣滌蕩恩人自天來

牯建自明太守

湯公紹恩生時公母夢紹民數百至公宅曰迎恩人因命是名果守紹郡

經營慘意匠千夫

泗龍淵百川迴東障絜石成星辰赤手抑腥漲洞天二

十八瀦洩各以量

牯橋梁石上鑄二十八崗

豈無鯨波吞會免魚腹

莽舜江與剡谿流沙何穴長回汐刷銀塘神靈默爲相

剡水由曹江過牯外入海流沙隨之隨積隨退與潮汐上下

誰令資海民圍築惟利

尙斥鹵添千滕中流窄一桁積雨沒湖田不得空水藏

咄哉沮洳鄉蒿日滋悽愴居民築墩沙為圍漸可播種

十餘萬畝流沙以是不能白餘姚至蕭山數百里得地

暢行淤及牯口致成水患萬眾趨畚鍤從新事決宕草

澁與山西有牯舊址今廢地居眾游上縱然芴牯疏徒以速民

詢不如故道修漸使伏流暢巨壑導洪波登臨一神王

時方開沙達海愧無開山手大力助奔放就下順其行穿鑿夫

何當將毋祈木隆俗祀亦何妨鞠臆哀湯公迴瀾仰神

貺湯公治三江時有木隆氏或曰莫龍氏抱枕而下致身九淵今同祀牯上咸豐二年加封號曰廣濟

讀胡文忠公林翼集

十載憂勞辦賊來包涵眾有識咸該養成大氣能扶鼎

留得精心亦理財吏治振新中葉運刻章羅盡百年才

東南吏習振興自公撫鄂始勳名到此封侯抵麟閣千

古今封將吏多公所得士

秋讓首推

趙桐生自濟上面招詩以答之

莫將黃鶴去來猜舊約難忘看劍杯插足名場還拓筆
究心世事政論才寒燈療病詩爲祟獨客歸家債有臺
明月酒樓思白也可堪行色滯蘭陔

沂兒小試獲雋

丁卯

弱弄柔翰已有聲文場一闕便知名青衿報汝何容易
祇爲艱難在父兄

一片青氈世業資帽檐花影慰重慈而翁作吏疏佔畢
莫忘舍館授讀時

將之江南不果

補勤詩存卷之十三

三

世外閒鷗渺一官再攜琴劍尼征鞏積薪頭上才爭老
起草行閒墨未乾病裏忽逢詩魄王愁邊空憶酒腸寬
桃花潭水江南路卻道春風二月寒

留贈章芝生同年

昌駿原
名傳疑

五陵裘馬數先鞭故里猶存腹笥便百試囊雖牢不脫
廿年塵榻坐曾穿養成鱗甲堅多節吐出心肝熱可憐
有日老龍要飛去滿門桃李也參天

時方
授徒

答宗濂樓先生重賦出山之約

再著朝衫出鏡湖不容賣字換菹鱸臥遊餘日消難盡
坐老頭銜興轉孤歸計可知無惹苒動名有分及桑榆
會攜尺橐京華去瘦馬重馱舊直廬

宗會直
閣事

奉萱圖爲陶肖農同年題

板輿一笑足娛老，毛公捧檄苦不早。閒拋愛日甘窮廬，
歐陽得祿胡爲乎？人生第一快意事，及時鼎食養親志。
北堂諼草木無憂，眼見朝衫傳哲嗣。與君百試困青甌，
負米歸來抵俸錢。高官何必非寒士，倚閭延佇愁衰年。
晨昏隱隱數食指，甘粒粒窮書田。飢驅况又值世亂，
試嘗苜蓿非良算。君曾任司鐸敢信強臺是債臺，頭銜且喜
冬烘換己未納貲援例分江南作令何圖梓里徧萑苻，蘭足叢菁斷
繫蘇辛酉之亂避居深山難得容身乾淨土，怒濤驚轉風樞烏。王
之春與子相繼渡海後先遵海學竊負一掬無家家有母，腳躡手
版飯紅塵莽莽天涯逐，蒼狗便折君家五柳腰。忽逢佳

客黃花酒故鄉松菊料無存爲君埽徑一開門入門三

日見新婦

滬上與子同居
爲蒹蒹納婦

高堂屈指祈重孫西窗退食

時翦燭老人對字論雞豚東南亂後識良吏不次推遷

卓三異

甲子權元和
比歲三遷

好官有數還讀書政成頌作家修

備誰言此仕眞爲貧清風兩袖一衰親誰言此閒信可

樂湘湖

湘湖在蕭山
蓴菜最美

代有閒鷗泊

會祖陶篁村公著
泊鷗山房詩集

賦

詩兒志成畫圖晚菡慈陰在胥吳白頭偏最戀鄉味晨

饑夕膳思尊鱸休因運篋歸未得儻憶留賓訓不辜嗟

子耿耿懷封鮒萬里庭闈憂戰馬卽今一事不如君衣

冠屢拜蘭陔下讀君此圖我不男恃才叟駕辭江南循

聲所貴達天聽委身伏櫪吾何堪臨行作詠羨且禱來

慰蒼生去亦好

時君有歸志故云

令妻壽母同義皇左顧舍節

君方抱孫右扶老閉門添種著書松臥遊重譜谿山粟珍重
萊衣現宰身他年留卜鑑湖鄰吳中再下陳蕃榻團扇

家家見故人

燕嶺三烈歌爲錢晉齋作

三烈者昌化胡錢氏徐章氏徐練姑也錢爲晉齋妹
章爲子友徐涓濱茂材聘媳練則徐女而錢甥也寇
將至錢預以死訣父兄遇脅不屈練先死錢晉賊且
曰死固其所以頸受刃章亦如之晉齋從子遊幼尙
志節豈言論丰采有以風示家人與

廿年首宿家巖壑久住不知山水惡偶然挺秀還天成

獨立一峯淨如削
雨閒生石罅
生人慣磨混沌出奇愕
我遊此閒少所遇
雞羣差幸逢一鶴
錢生幼慧垂雙鬢
執卷叩門聞剝啄
十室此其忠信才
文章事小不足學
問風吹下蓬萊僊

指鹽薇軒求
僊講學事

棣爾性天授良藥及門

幾輩知廉隅名教洵於斯人託當時中原未多故每談
志節擬山嶽吾儕讀書學何事可憐此問窮寥廓平居
何故論死生四座聞言色都愕歸時卻述先生語婦孺
聆之見爲擴墜樓斷臂古所稱弱妹欣聞往行卓本是
璇閨如玉姿生來潔白無雕鑿于歸頗擅賢孝名家風
約畧乘鍾郝無何烽火自天來窮鄉百里驚宵掠虎狼
當道疑無人鷹隼在林莫爲雀言告言歸辭父兄捐軀

義重如山諾黯然欲去問雙鬟同心一誓行各各羅敷

有夫苟活難

章已字未婚

小姑無郎死尤樂雲川水居

胡所一

夕涸燕嶺

在昌化治北

雲夏雨雹深心牢著嫁衣裳柳暗花

明逢大索彼昏不知吾何人

錢臨害罵賦有知吾等何人尚不我殺之語

引

頭就刀不就縛一人飲刃甘如飴兩人罵賊聲大作

賊指

練姑屍有錢等錢罵如故

同時玉碎斷纖喉縱橫熱血交叢薄相見

灣頭嶺下地名三烈同殉其處

風雨酸三星在天月沈閣我聞舊遊

十九死白骨成堆下飛瀑村民善鬪不善走往往闔門

被炮烙紫谿淒咽十年流萬戶人煙斷山郭滄桑劫了

幾人存茗甯浮家一司鐸

謂晉齋爲湖州學官

天涯搔首悲重逢

舊話淒涼淚盈握睽孤歸妹寇張弧傷心莫問常華鄂

敢是當年勛寡兄大節居然屬纖弱層巒從此極天青
亂石無言吐廉鏗磔磔雲中鸞鶴鳴南屏

昌化治前山

晚鐘

半空落

補勤詩存卷之十三